

禮

記

識

禮記識

四

曲禮上第一 此篇當分數篇中多孝經容經春秋

大上貴德 皇帝道德

其次務施報 王伯

禮尚往來 往古來今通乎百世

往而不來 專言法古

非禮也 專言退化

來而不往 俟後

亦非禮也 專主進化

三十曰壯有室 易男女有長中少三等之分男十六女十四少也男三十女二十中也男五十女四十長也禮舉中男中女以立法故曰三十而娶二十而嫁

適四方乘安車自稱曰老夫 上卿稱老夫如天子之二老

越國而問焉 聘禮

必告之以其制 士死制注制謂君教令所使爲之接卽聘之所爲

凡爲人子之禮冬溫而夏清昏定而晨省 孝經說

在醜夷不爭 經在醜而爭

夫爲人子者三賜不及車馬 鄭注三賜三命也凡仕者三命而

受爵再命而受衣服三命而受車馬車馬而身所以尊者備矣卿

大夫士之子不受不敢以成尊此踰于父天子諸侯之子不受自

卑遠於君按朝廷大典不能以私辭三賜三衍文謂饋贈不用重

貨卽坊記凡爲子者饋獻不及車馬論語朋友之饋雖車馬

故州閭鄉黨稱其孝也 至 交遊稱其信也 此論語人不同于其

父母昆弟之言傳說詳亢倉子○慈弟仁信所以合成其孝○孝經不信非孝

所遊必有常 論語作有方

聽於無聲 不以耳聽

視於無形 不以目視

幼子常視母誑 以下容經說

戶外有二屨 席地而坐當時風尚傳記有之經則否

男女不雜坐

至

弗與爲友

草昧之初男女無別則夫婦父子無

義無親聖人撥亂反正故先立男女之坊所謂禮始于謹男女引

進外人亦同

齊戒以告鬼神 婦至必先入廟見祖以合于鬼神所謂先祖而

後配

取妻不取同姓 春秋說

禮曰 引經

禮不下庶人刑不上大夫 庶人已下爲野人禽獸則無禮矣有禮然後爲人有大夫程度者可免于刑戮致刑措之化庶人大夫以德不以位言

前有水則戴青旌至前有犴獸則戴纁紼 舉旗纁以代語言行 太乙下行法

前朱雀 鶡鴒

而後玄武 龜蛇

左青龍 蒼龍七宿

而右白虎招搖在上 北斗

急繕其怒 怒當作下聲之韻上下四旁六宗也

進退有度 前後

左右有局 東西

各司其局 統于中央

卒哭乃諱 至入門問諱 禮以諱爲尊海外以名爲貴故無字諱

故可以城物用君名名之

外事以剛日 兵戰盟

內事以柔日 祭昏葬

凡卜筮日 至日而行事則必踐之 卜筮通于天學海外無中國

用之誠不能通所謂無德用事○卜筮爲天學文明之至通于鬼

神然後能盡其義非尋常之巫史○旬卽天有十日

故君子式黃髮 鄭注發句言故明此原爲禋禘也按故同詰

君命召雖賤人大夫士必自御之 鄭注御當爲訝訝迎也君雖

使賤人來必自出迎之尊君命也春秋傳曰跛者御跛者眇者御眇者皆謂也世人亂之

曲禮下第二

國君不名卿老世婦 老天子之守世婦卿妻

大夫不名世臣姪娣 一娶三女

君使士射不能則辭以疾言曰某有負薪之憂 古之弓矢今之鎗礲當就經文繙譯之以便實行

君子行禮不求變俗祭祀之禮居喪之服哭泣之位皆如其國之

故 王制說

龜筮几杖席蓋重素祫稀綌 玉藻同

不入公門 非公事

大夫士去國踰竟爲壇位鄉國而哭素衣素裳素冠 詩之素冠

素衣素綽同此素則全素爲統色故知雜色爲互文相起

君天下曰天子 天下非一國天子尊于王

復曰天子復矣 復招魂由所生天子九天之子

告喪曰天子登假 卽帝

措之廟立之主曰帝 皇皇后帝

生名之死亦名之 鄭注生名之曰小子王死亦曰小子王也晉  
有小子侯是僭取于天子號也按三年以內不稱王其生也名之  
死亦同經乃典籍之文

天子有后有夫人有世婦有嬪有妾有妾 當爲天子有后諸侯  
有夫人卿有嬪大夫有世婦元士有妻下士二百三十四有妻鄭  
注妻八十一御妻周禮謂之女御以其御序于王之燕寢妾媵者  
按天子一娶十二女董子詳矣此言各等外命婦鄭誤以百二十



女爲妃嬪

天子建天官 通上下包地言

先六大曰太宰大宗大史大祝太士太卜典司六典 六大亦分  
上下四旁太宰上大宗東大史南太祝西太士爲北大卜下○  
鄭注此蓋殷制也周則大宰爲天官太宗曰宗伯宗伯爲春官太  
史以下屬焉太士以神仕者按此天學皇帝制度非殷

天子之五官 人學民師民名

曰司徒司馬司空司士司寇 春秋冬中秋

典司五眾 帝學主五方

天子之六府曰司土司木司水司草司器司貨典司六極職 六  
府左傳作水火金木土穀

天子同姓謂之伯父 晉

異姓謂之伯舅 齊

於外曰公 會盟經皆稱公鄭注外自其私土之外天子畿內非九州之長 方伯 八伯當云九州九牧兼內言之

於外曰侯 會盟

其在東夷北狄西戎南蠻大曰子 鄭注謂九州之外長也天子亦選其諸侯之賢者以爲之子子猶牧也入天子之國曰子天子亦謂之子雖有侯伯之地本爵亦無過子是以同名曰子按春秋吳楚稱子大也莒滕稱子小也皆夷之稱子鄭說非

於內自稱曰不穀 穀當作穀老子河上公本作穀云孤寡不穀言不輔驂

庶方小侯 卒正

入天子之國曰某人于外曰子 勝子杞子

自稱曰孤 鄭注謂戎狄子男君也男者於外亦曰男舉尊言之  
按老子孤寡不穀左傳列國有凶稱孤

天子當依而立 至諸侯西面曰朝 此以禮節異名周禮朝宗饗  
遇則禮節本同因四方異其名○鄭注覲禮今存朝宗遇禮今亡  
按但有覲禮則朝已可省若宗遇更無論矣若一名必立經一篇  
則經雖千百不能盡

諸侯未及 不期而會期地也

相見曰遇 傳曰志相得也

相見于卻地曰會 入都則近朝故于卻地

諸侯見天子曰臣某侯某 上某國名下某侯名

其在凶服曰世子孤 三年不稱君也周禮世子或稱公之適子  
或曰公之孫二者互文非並稱古文家誤以爲孤卿

諸侯使人使於諸侯 使人爲上卿當上作使大夫問于諸侯

使者 介擯

自稱 稱卿

曰寡君之老 上卿○寡君之老皆擯者代稱之辭自稱曰外臣  
或曰使臣或曰臣

諸侯曰夫人大夫曰孺人 据上曰世婦

士曰婦人 据上士曰妻

庶人曰妻 据上庶人曰妾○記云天子有后有夫人有世婦有  
嬪有妻有妾當据此補公卿大夫元士下士字

公侯有夫人有世婦有妻有妾 此公侯有夫人下亦當曰大夫  
有世婦上士有妻下士有妾 春秋於方伯卿書大夫由王臣推  
之二伯公方伯比卿則方伯之卿正比天子大夫故記曰卿佐君

世婦佐夫人

夫人自稱于天子曰老婦 天子二伯稱老夫易有老夫老婦

自稱於諸侯曰寡小君 使人所稱非夫人自稱春秋經書小君于鄰國故稱寡

自稱於其君曰小童 論語夫人自稱曰小童

列國之大夫入天子之國曰某士自稱曰陪臣某 上某國名下某臣名

於外曰子 盟會

於鄰國曰寡君之老 其當作鄰寡君對鄰國之辭于鄰國自稱老夫損者曰寡君之老

使者自稱曰某 上諸侯使人于諸侯使者自稱曰寡君之老

天子不言出 經例

諸侯不生名君子不親惡 生名爲死刑數語專爲經例君子不親惡人如楚主盟會必以蔡陳親之若宋衛則必遠之

諸侯失地名滅同姓名 衛侯燬

君有疾飲藥臣先嘗之 嘗謂知醫非嘗其味

親有疾飲藥子先嘗之 鄭注嘗度其所堪按許世子不嘗藥春

秋書弑

天子祭天地 至士祭其先 諸侯無天地四方大夫無山川禮由

孔子新定前則上下名器不分亦如今西人禮以辨尊卑正名分

爲主故論語所議皆爲新制

凡祭有其廢之 草昧神權之祀

莫敢舉也 不載祀典

有其舉之莫敢廢也 新定

天子以犧牛至士以羊豕 春秋禮

天子死曰崩 以下經例

士曰不祿 以下不見經傳則詳矣

祭王父曰皇祖考 詩皇祖經傳爲帝王立法故稱皇非王以下  
所得妄擬

壽考曰卒 經

短折曰不祿 傳

天子視不上于袷不下于帶至士視五步 鄭注以爲視天子國  
君大夫士據文當指天子國君大夫士自視非謂視者公侯于天  
子亦如卿于國君尊者重嚴卑者敏給鄭注非是

凡視上于面則敖下于帶則憂 二句指天子說詳左傳

在官言官在府言府 周禮官府

凡摯天子鬯 六加至隆進化之序

諸侯圭 五加

卿羔 四加

大夫雁 三加

士雉 再加

庶人之摯匹 初用摯如此

納女于天子曰備百姓 鄭注姓之言生也天子皇后以下百二十人廣子姓也據十二女有異姓鄭說非

於國君曰備酒漿 九女同姓媵異姓則否

檀弓 此篇大抵爲微言派孔子制禮垂法弟子潤色可謂詳矣  
欲知聖作所宜研究

伯子曰仲子亦猶行古之道也 古作經字讀



昔者文王舍伯邑考而立武王微子舍其孫腓而立衍也 昔者  
俟後之來者詩自古在昔爲進退。經說賈豕立弟文豕立子  
子游問諸孔子孔子曰否立孫 以聖言爲斷論語曰畏聖人之  
言此篇屢詳此例

事親有隱而無犯 親親質

事君有犯而無隱 尊尊文

事師無犯無隱 文質兼

季武子成寢杜氏之葬在西階之下 人鬼雜處

請合葬焉許之入宮而不敢哭 設事以明禮不必實有之

武子曰合葬非古也自周公以來未之有改也吾許其大而不許  
其細何居命之哭 合葬不比別等典禮當周公時或已有之然  
此乃事迹非經與西漢以上說周公皆實行不立言

門人問諸子思曰昔者子之先君子喪出母乎曰然 出猶生謂  
妾曰然者經有之就經言非實事卽鄭說亦非三世矣  
子思曰昔者吾先君子 此推論孔子非謂禮有出入  
無所失道 至聖

道隆則從而隆 用王後禮以爲殷後卽素王說  
道污則從而污 匹夫在庶爲魯孔某

爲伋也妻者是爲白也母 適

不爲伋也妻者是不爲白也母 妾

故孔氏之不喪庶母自子思始也 不以妾爲妻

使者曰醢之矣 時食人肉烹醢同

孔子少孤不知其墓殯于五父之衢 不知其殯與墓

問於聊曼父之母 知爲殯

有虞氏瓦棺夏后氏塋周殷人棺槨周人牆置翬 本朝加隆

周人以殷人之棺槨葬長殤 上推前代以尊卑迭降

以夏后氏之塋周葬中殤下殤以有虞氏之瓦棺葬無服之殤

此四代爲先野後文此以四殤分等級而以五等分等如王公卿大夫士是也本朝加隆爲周爲王其次周初爲公殷爲卿夏爲大夫有虞爲士天子諸侯卿大夫士乃進化程度不以位言

夏后氏尙黑 黑道

殷人尙白 黃道之西

周人尙赤 赤道

穆公之母卒使人問於曾子曰如之何 禮由孔子初定故事有

疑難轉問弟子使用周公定禮則從先祖故事則有司存

對曰申也聞諸申之父曰

至

自天子達

孔子所傳

布幕衛也繆慕魯也 論語魯衛之政兄弟春秋內魯衛外陳蔡  
商鞅傳比于魯衛檀弓之魯衛亦如經學魯齊近聖人居禮教布  
化之基

晉獻公將殺其世子申生 春秋說

公子重耳謂之曰 至 是以爲恭世子也 事出世子言由記者

魯人有朝祥而暮歌者 孔子定制魯人遂行之

夫子曰由爾責於人終無已 成人之善漸進之

夫三年之喪亦已久矣夫 古無此制時未能行

魯莊公及宋人戰于乘丘 春秋說

士之有諫自此始也 士無諫能死事則諫之非常制

曾子寢疾病 至 反席未安而沒 孔門禮說

始死充充如有窮 至 祥而廓然 容經喪紀說

邾婁復之以矢蓋自戰於升陘始也 公羊經作邾婁檀弓同然則亦爲齊學矣

魯婦人之壘而弔也自敗于臺駘始也 此公羊所謂託始欲定此禮託之古人

南宮縚之妻之姑喪 至長尺而總八寸 喪容

孟獻子禫縣而不樂 至夫子曰獻子加于人一等矣 成人之美以爲禮制

孔子曰先王制禮 經依託先王

子路聞之遂除之 由也進故退之

大公封于營丘 至狐死正丘首仁也 專取歸本之義禮樂同義

非如樂記禮樂相反

伯魚之母死期而猶哭 父在爲母期

天子聞之曰誰與哭者至伯魚聞之遂除之 因此而定父在爲  
母期之禮非有此禮文伯魚不用

舜葬於蒼梧之野蓋三妃未之從也 天子一娶十二女此舉三  
亦謂指之數不過三舜孤葬無附故云爾一說三爲后字脫文如  
曲禮三賜不及車馬之三鄭注非是

季武子曰周公蓋附 申上合葬非古也

曾子謂子思曰伋吾執親之喪也水漿不入於口者七日 以身  
立法非古所有

子思曰先王之制禮也至杖而後能起 繼託先王○以弟子改  
師之說孔子但有大綱其餘皆由弟子潤色曾子行可爲法子思  
亦言可爲經

伯高之喪孔氏之使者未至冉子攝束帛乘馬而將于 弟子潤

色

孔子曰異哉徒使我不誠於伯高 辨中至聖

孔子曰吾惡乎哭諸 定哭地

兄弟吾哭諸廟 至所知吾哭諸野 以身立制

夫由賜也見我 至知伯高而來者勿拜也 非古所有由聖言而

定

子夏喪其子而喪其明 史叙在亡喪明

曾子弔之曰吾聞之也 孔子所傳

高子皋子執親之喪也 至君子以爲難 弟子實行孔禮

孔子之衛遇舊館人之喪入而哭之哀 別有感觸

孔子在衛 至足以爲法矣 取人立法

孔子與門人立拱而尚右 變常

二三子亦皆尙右 以聖爲法無古可循

孔子曰二三子之嚮學也我則有姊之喪故也 前本尙左

夏后氏殯于東階之上則猶在阼也 主

殷人殯于兩楹之間則與賓主夾之也 孔子有此說公羊說魯昭公亦云正棺兩楹之階

周人殯于西階之上則猶賓也 三統說

而丘也殷人也 故宋系統○王後惟宋公得言之孔子生魯在庶爲魯臣何得以殷自命卽系王說

夫明王不興 明王卽後聖時未至

而天下其孰能宗予 公羊樂幾舜之知君子論語如有用我者與宗子同皆謂後王取法經制非用其身立德立功也

蓋寢疾七日而沒 莊子七日混沌死天子七日



孔子之喪門人疑服 經無喪師之禮而情不可已

子貢曰昔者夫子之喪顏淵 至若喪父而無服 公羊獲麟傳言

顏淵子路之死與此同二子孔門之二公

設披周也設崇殷也綢練設旒夏也 殯專用殷此兼用三代○

參用三代如顏子問邦與明堂位魯用四代同

子張之喪公明儀爲志焉 志卽微言之義

褚幕丹質蟻結于四隅殷士也 殷士卽素臣之說孔子素王曰

殷人弟子素臣曰殷士

子夏問于孔子曰居父母之仇如之何 至主人則能執兵而隨其

後 孔門定復仇詳其等差

孔子之喪二三子皆經而出 出當作居

羣居則經出則否 經爲在墓廬孟子孔子之喪門人廬墓羣居

與子貢之獨居對出則否心喪無服

子路曰吾聞諸夫子至不若禮不足而教有餘也 則墨家從魯

曾子襲裘而弔子游褻裘而弔 各以意起初無成法

曾子指子游而示人曰至夫夫是也 孔子經初有大綱其謂色

節日皆由諸子所定故歷記弟子之同異

子夏既除喪而見至先王制禮不敢不至焉 論語師也過商也

不及

將軍女子之喪既除喪而后越人來弔 越人不必知弔亦如經

書秦人禭

幼名冠字至周道也 從周之說三代例以夏殷爲進化符號而

以周爲極隆周人如此則夏殷未必然經則皆從周

也者實也至殷道也 儒主周墨主夏殷在其中經說雖主周

其用夏變夷之法則自夏始遷之又久而後殷法可行如今引進  
外人是也

學者行之 未能周則從殷論語今汝安則爲之

子碩曰請粥庶弟之母 此亦當日野蠻之跡

弁人有其母死而孺子泣者 禮緣人情而作此發明禮制之原

孔子曰哀則哀矣 手故哭踊有節 制禮以中高遠不用如八行

星經只言五以其二不可常見

叔孫武叔之母死 至子游曰知禮 毀孔子者亦爲知禮耶因事

訂禮託爲此耳

故騷騷爾則野鼎鼎爾則小人君子蓋猶猶爾 野人近于禽獸

小人則眾庶君子乃進化之歸

一日二日而可爲也者君子弗爲也 豫凶事非禮

喪服兄弟之子猶子也蓋引而進之也 喪服之名指禮經

食於有喪者之側未嘗飽也 論語同

孔子曰之死而致死之 如科學無鬼

不仁 背親

而不可爲也 同海外無家祭

之死而致生之 如宗教靈魂

不知 如生

而不可爲也 人鬼混亂

其曰明器 問乎生死之間

有子問於曾子曰問喪于夫子乎 以聖言爲定

曰聞之矣 以聖言爲經

喪欲速貧死欲速朽 非一時所聞合言之

有子曰是非君子之言也 能定真偽

曾子曰參也與子游聞之 引習禮者爲證

有子曰然然則夫子有爲言之也 因事而發非常理

子游曰甚哉有子之言似夫子也 論語常稱有子曾子

死之欲速朽爲桓司馬言之也 裁偏非正言

曾子以子游之言告於有子 證有爲

夫子制於中都四寸之棺五寸之槨 特不如三年石槨

蓋先之以子夏又申之以冉有 特不載實

穆公召縣子而問焉 託之縣子亦弟子

縣子曰古之大夫東僦之間不出境 穀梁文

誤作

今之大夫交政于中國 往來交綏

仲憲言於曾子曰 至胡爲而死其親乎 三統說

子游曰其大功乎 禮經未詳疑詞

狄儀有同母異父之昆弟死同於子夏 其事至常如周公制禮則其事多矣何待問于孔門

子夏曰我未之前聞也 未聞于孔子謂喪服中無明文耳

魯人則爲之齊衰 游夏各異與儒分爲八同

今之齊衰狄儀之問也 因問而子夏定之後遂爲法

柳若謂子思曰子聖人之後也 制作家匹夫百世師史稱至聖

四方於子乎觀禮 取法式

小飲之奠 至 魯禮之末失也 兩賢持議不同本篇多矣此皆潤

澤輔經之所不足

子蒲卒哭者呼滅子皋曰若是野哉 野如戎狄

夫子曰始死羔裘玄冠者 子 夫子不以弔 論語有記事實有言

經說如三裘絺綌必表乃經說非事實

宋襄公葬其夫人至而又實之與左傳同

孟獻子之喪至是再告也非古但非讀賄○孟獻子卒不與孔

曾同時記者豈不知之記者因事說禮特異其時以見意如莊子盜跖見孔子載記如此多入此例意不在攷據故不拘時代

我死則擇不食之地而葬我焉此近墨學

子夏問諸夫子曰至居處言語飲食衎爾問當作聞

孔子之喪有自燕來觀者聖新定禮故遠來觀

子夏曰聖人之葬人與微言出自孔子仲尼卒而微言絕

人之葬聖人也則與常人無異

昔者夫子言之也以聖言爲定

吾見封之若堂者矣至見若斧者矣見與聞同以墓可久也○

四見入三統例分配四代可也

練練衣黃裏 詩綠衣黃裏

鹿裘衡長祛 鹿裘詩死鹿死麕爲鹿裘鹿皮粗凶服用之所以爲素衣麕裘孔子麕裘止謗亦故宋說

魯哀公誄孔丘曰 至嗚呼哀哉尼父 與左傳小異無子貢一節

檀弓下第四

季武子將寢疾 有此禮節特寓此言以發明之

斯道也將亡矣 据衰而作素統爲喪亡

及其喪也曾點倚其門而歌 非公惟家臣主之雖有不相不巷

歌然此別一義

婦人不越疆而弔人 春秋說

子張死 至我豈弔也與哉 哭與弔異



有若之喪悼公弔焉子游擯由左 因事定擯之左右

齊穀王姬之喪魯莊公爲之服大功 因服乃書

或曰 以此爲正

由魯嫁 天子使魯主婚如爲吾之女然

故爲之服姊妹之服 公穀同

或曰外祖母也 鄭注當爲舅之妻非外祖母也外祖母又小功也按外祖母則襄公之母經但云王姬喪不必新嫁于襄者謂其母亦可

故爲之服 後一說小功亦書

喪亦不可久也 喪謂出亡

孺子其圖之 孺子後嗣之稱中侯十八篇中多此例

舅犯曰 大學引舅犯本此不必尙書經文傳記中語亦引之類

楚書孟獻子皆記傳中語多也

公子重耳對客曰君惠弔亡臣重耳 孤卿一也世子稱孤

起而不私則遠利也 以上一節如國語一則此亦寓言孔子前  
無之

帷殯非古也 所以別男女

自敬姜之哭穆伯始也 因事定禮如公羊傳之託始

豈知神之所饗 未能通神

塗車芻靈 靈當作神

子思曰古之君子 至不亦善乎 貴民說同

又何反服之禮之有 與孟子大同小異

吾三臣者之不能居公室也四方莫不聞矣 如左傳華耦語

勉而爲瘠 至我則食食 此由情生文禮必以實之義三家不必

知此禮亦不必有是言

衛司徒敬子死子夏弔焉至子游出經反哭 文學子游子夏列

二賢異同以見禮爲孔氏所創

子夏曰聞之也與 古無定法

曰聞諸夫子 以聖言爲歸

曾子曰至有若曰 論語二子稱子

晏子一狐裘三十年至晏子焉知禮 凡儀制皆孔子新定晏子

亦如今西人儀文簡畧上下相同

曾子曰國無道至國儉則示之以禮 以後墨家祖晏子蓋本此

義

國昭子之母死問於子張 禮出孔門

子張曰司徒敬子之喪夫子相 行爲法

男子西鄉婦人東鄉 禮出孔子

穆伯之喪敬姜晝哭至孔子曰知禮矣 與禮意同則取之

文伯之喪敬姜據其牀而不哭 託之時人如左氏

季康子之母死陳褻衣 寓事

敬姜曰 寓言

婦人不飾至命徹之 新禮

有子謂子游曰予壹不知夫喪之踊也 孔子所訂

予欲去之久矣 如子貢之去鯀羊○周公所定禮已通行數百  
年有子何以能去之

情在於斯其是也夫 因有所觸乃知禮之意

有直情而逕行者戎狄之道也 但求便利如今海外

未有見其饗之者也 視之弗見未能如在

自上世以來未之有舍也 託古

爲使人勿倍也 背死者

故子之所刺於禮者 踊○子指有子

亦非禮之嘗也 如其嘗也可去

陳太宰顓使於師夫差謂行人饒曰 嘗作陳行人使於師夫差

謂太宰顓曰

不獲二毛 與宋襄同

子張問曰書云 孔經非古所有故據經傳同與事我短喪同意

高宗三年不言 春秋設三年乃稱王支出書無選

言乃謹有諸 以天子諸侯世及宜有異同○三年之喪建乎天

子禮方定臣下以喪去官而天子諸侯不然是兩歧也故經定此

制以齊之

仲尼曰胡爲其不然也古者 堯典

天子崩王世子聽於冢宰三年 百姓如喪考妣三載四海遏密  
八音此爲經說當時實未能行故事我欲短國喪爲期年

知悼子卒未葬平公飲酒 至謂之杜舉 與左傳不同知爲二本  
別家所傳

公叔文子卒 至故謂夫子貞惠文子 謹由新定古無之大同亦

所不用專在王伯故春秋吳莒不諱始皇亦去諱事在孔前託之  
古也

石駘仲卒 至所以爲後者 左傳說

曰沐浴佩玉 改吉

則兆 如祭通于神曰者時人之言

五人者皆沐浴佩玉 古人重浴吉凶同

石祁子曰孰有執親之喪至石祁子兆 用凶禮而得吉兆

陳子車死于衛其妻與大夫謀以殉葬 當時皆用殉

子亢曰以殉葬非禮也 當時本用殉孔子乃去之

雖然則彼疾當養者孰若妻與宰 親近

不得已則吾欲以二子者之爲之也 妻宰

子路曰傷哉貧也 爲天下後世貧者請命不必自傷

衛獻公出奔 春秋說

柳莊曰如皆守社稷則孰執羈勒而從 不有從者誰捍牧圉

如皆從則孰守社稷 不有居者誰守社稷

衛有太史曰柳莊至雖當祭必告 用春秋說去樂卒事

聞之死請往 不卒事

與之邑裘氏至世世萬子孫勿變也 此世祿非世卿

陳乾昔寢疾

至

使吾二婢子夾我

使周公有禮時人何以用殉

陳乾昔死

至

弗果殺

因事明禮孔子禁之故記者託之陳乾昔

季康子之母死

至

弗果從

外人葬多用機經傳屏之託爲此說

魯人欲勿殯童汪錡

至

不亦可乎

九歌國殤

子路去魯謂顏淵曰

言志二賢文武二公

去國則哭于墓而後行

子路衛人不言去魯當爲顏子

謂子路曰何以處我

至

過祀則下

後世推顏抑仲古則並重孔

子之二相

孔子曰殺人之中又有禮焉

定戰陳禮

諸侯伐秦

至

使之襲

春秋說

諸侯伐秦

至

不將公事遂入

三事皆見左傳

悼公之母哀公爲之齊衰

託以明禮



魯人以妻我 以妻爲夫人

苛政猛于虎也 柳捕蛇主此

有虞氏未施信於民 至宗廟之中未施信于民而民敬 不言

信無爲而成爲皇帝

殷人作誓而民畔周人作誓而民始疑 王伯學

孔子曰延陵季子吳之習於禮者也 吳王猶不知冠季札何

知此左國託時賢之法

往而觀其葬焉 古無舊法故往觀其異同

其坎深不至于泉 至其高可隱也 節目皆與賀家禮合

骨肉歸復于土命也 體魄

若魂氣則無不之也 鬼神學

子思之母死於衛 至遂哭於他室 今人以母嫁爲恥禮重與不

然故春秋不諱來歸禮留車記未廟見反葬夫婦之道猶未苦  
邾婁定公之時有弑其父者 邾婁之臣民此春秋討賊之說  
有司以告 至寡人當學斷斯獄矣 以春秋折獄

臣弑君 如桓弑隱

凡在官者 不討賊

殺無赦 桓無大夫

子殺父凡在官者殺無赦 皆與弑如趙盾書弑

殺其人壞其室滂其宮而瀆焉 王莽傳行之

晉獻文子成室 至 君子謂之善頌善禱 如左國一則或以左君

子曰爲劉歆所加不知記與國語皆同

仲尼之畜狗死使子貢埋之曰吾聞之也 託古

曾子與子貢入其廄而修容焉 從進化艸昧言之禮以飾爲主

君子言之曰盡飾之道斯其行者遠矣 列莊所以有飾驚之議則大同之說也

孔子之故人曰原壤 故人非弟子從學

其母死夫子助之沐椁 至 夫子爲弗聞也者而過之 母死而歌草昧有之大同亦有之列莊齊生死則歌矣子曰彼游方之外者也

從者曰子未可以已乎 謂方外之士絕之

夫子曰丘聞之親者毋失其爲親也 言禮者禮○親讀作新溫故知新

故者毋失其爲故也 禮從俗未能用其故俗○論語道不同不相爲謀

叔仲皮死其妻魯人也衣衰而繆經 喪服學深入女子

成人有其兄死而不爲衰者 當時不行

聞子皋將爲成宰遂爲衰 用新法

蟹則續而蟹有匡 匡當作筐

孔子曰衛人之附也離之魯人之附也合之善夫 魯衛並論

王制第五

公侯伯子男凡五等 尙書五長

諸侯之上大夫卿 諸侯今五品以上此指一品言經書大夫比

天子卿

下大夫 第二九

上士 三二七

中士 四八十一

下士 五二四十三

凡五等 以公立說以下由此遞降凡有等級之分等經皆舉一  
以示例如卒正以比天子大夫上卿爲元士連帥比元士屬長比  
下士其大夫可推

制農田百畝至下農夫食五人 以五等分上中下九上八次七

中六次五下

庶人在官者其祿以是爲準也 有表

諸侯 下公侯同

之下士視上農夫祿足以代其耕也 孟子從多及少記從少及

多

中士 十八

倍下士 九人

上士倍中士 三十六

下大夫倍上士 七十二下卿倍下大夫

卿四大夫祿 二百八十八此爲上卿

君十卿祿 孟子同

次國之卿三大夫祿君十卿祿 一句已足

小國之卿倍大夫祿 上四三之大夫此次故有倍三四之異

君十卿祿 孟子大國次國二節當如記祇有卿四大夫句小國

卿倍大夫下至庶人代耕惟小國爲然推之大次皆不通二節大

夫倍上士以下皆後人據小國節推補之文據記可見

次國之上卿 就一等中橫分三品

位當大國之中 二百一十六

中當其下 一百四十四

下當其上大夫小國之上卿位當大國之下卿 一百四十四

中當其上大夫 次國大國則下卿與上大夫同

下當其下大夫

其中有中士下士者數 官數同此謂祿耳

各居其上之三分 中二百一十六 得上四分之三 二百八十八 下 一百四十四

得中 二百一十六 三分之一 上四分之二 其等不同故記舉其大略

凡四海之內九州 至州二百一十國 二百一十國平方千里之

足數若滿封則名山大澤亦在其內若提出名山大澤則封不必

足

天子之縣內 至凡九十三國 百二十官非下士二十七人不封

天子百里之內以共官千里之內以爲御 王千里以五十里爲

近郊皇萬里以五百里爲近郊經傳每以京師爲一日周禮以王

畿爲官府此近郊統爲官地不以封國○九十三國及其餘皆在

百里外周禮則在千里以外故以一日比京師

千里之外設方伯 三萬里則萬里以外九畿則六千里九服則  
三千里

五國以爲屬屬有長 男

十國以爲連連有帥 子

三十國以爲卒卒有正 伯

二百一十國以爲州州有伯 侯

八伯各以其屬 每伯四州八百諸侯

屬於天子之老二入分天下以爲左右曰二伯 公

千里之內曰甸千里之外曰采曰流 此三服三千里爲春秋說  
以五百里爲一服關雎左右采流與此同爲三服王制五百里一  
服詩則五千里一服爲三服爲萬五千里每一服包禹貢之五服



五千里此小大不同之說也今據此定王制三服禹貢五服周禮九服九千里九畿萬八千里詩大三服萬五千里

大國三卿皆命于天子 公

下大夫五人 上三下二十七則大夫當爲九無疑矣言三者管子三其國三卿五其鄙五分其鄙以爲五屬大夫此兼見國鄙制

次國 侯

小國 卒正

制三公一命卷若有加則賜也 通言錫命之分賜爲九錫一命當爲九命三公九命

不過九命 此命當讀作錫

次國之君 不過七命 至小國之卿與下大夫一命五長九錫二

伯九方伯七卒正五連帥三屬長一五等九命百里九七十里七

五十五三十三十一高者九錫卑者九命合爲十八級與今正從同此爲舉一示例當據此推之○命兼錫言之小爲九命大者九錫舉一以示例餘由此推之

是故公家不畜刑人春秋不近刑人說有罪之人屏於遠方不與齒

諸侯之於天子也比年一小聘三年一大聘五年一朝周禮與王制宜疏數不同鄭注以虞夏之制諸侯歲朝周之制各以服數來朝者非是

天子五年一巡守至歸假于祖禰用特大師司徒卿市納司空卿典禮司馬卿○經傳有大小異同例皇帝所行王制不具周禮十二年一巡守爲大同說王制疆域爲五年一巡此小大例穀梁方伯歲三巡國君歲徧尊者愈疏卑者愈數

天子賜諸侯樂 賜九錫諸侯當作公侯

諸侯賜弓矢然後征 二伯專征

賜鈇鉞然後殺 方伯專殺

賜圭瓚然後爲鬯 圭瓚在九錫外

小學在公宮南之左大學在郊 小學當爲泰學大學當爲四學

言左則有右城內泰學二教易與春秋四郊則詩書禮樂

禡於所征之地 鄭注禡師祭也爲兵禡其禮亦亡按何必有事

篇

春曰禡夏曰禡秋曰嘗冬曰烝 鄭注此蓋夏殷之祭名周則改

之春曰祠夏曰禡以禡爲殷祭按禡爲時祭名與大同禡郊異蓋

皇制中禡四方郊王則有郊無禡故以禡爲時祭名

古者公田藉而不稅 鄭注孟子曰夏后氏五十而貢殷人七十

而助周人百畝而徹則所云古者謂殷時按古謂經說六經同主  
公田不分時代以經爲俟後若如龍子說則周無公田矣

司空執度度地 樂景

居民山川沮澤 惟鳩居之之居

量地遠近 周禮量人考工匠人

凡居民材必因天地寒煖燥溼 至 北方曰譚 此周禮五土說十

二風壤說其曰中國戎夷五方之民皆有性也不可推移乃齊詩

六情說論語性相近習相遠經傳言性謂五民性情不同後人誤

引諸身

養耆老以致孝 至 簡不肖以繼惡 古者議院卽在學下乞言是

也

命鄉簡不帥教者以告 管子詳

耆老皆朝于庠 學以老者主教兼議國政

元日習射上功 射中

習鄉上齒 同等以齒序兼說鄉人飲酒○射鄉二字連文鄉讀爲饗

大司徒帥國之俊士與執事焉 選舉事定于學

不變命國之右鄉簡不帥教者移之左命國之左鄉簡不帥教者移之右如初禮 國指王城內左右可包前後四學經書宗旨相反故於此學不宜則於彼學相近因材施教故有互移之法所謂人不宜則調之○管子國十五鄉

不變移之郊如初禮不變移之遂如初禮 尚書魯人三郊三遂周禮六鄉六遂王六軍諸侯三軍之法也國中爲一等郊遂爲二等皆學禮否則出學

不變屏之遠方終身不齒 此節爲流放事原爲司寇所掌學堂有選舉退黜之權屏詳下

命鄉論秀士 一等○管子詳

升之司徒選士 二等

司徒論選士之秀者升之學曰俊士 三等

升於司徒者 至曰造士 鄭注造成也能習禮則爲成士按此三等升法所以造士非別有造士一等

樂正崇四術立四教

術名教本

四郊四經後世四門學順先王

詩書禮樂以造士春秋教以禮樂冬夏教以詩書春東左學秋西右學冬北後學夏南前學賈子引學禮四方四學四時亦如周官分方非一年之中徧讀四經內則有

王太子王子

至

國之俊選皆造焉

四門學在京師爲大學專詳

治法如今之法政今分古合特以經分耳

不變王三日不舉至終身不齒此指貴族親近者言若俊選則退學而已

論定然後官之至以士禮葬之官人法詳文王官人

凡執技論力適四方至出鄉不與士齒執均讀作藝技如工藝實業學堂射御如今繪駕○論語游于藝保氏六藝爲人民嚮導學者六經則皆大學之事

析言破律亂名改作執左道以亂政加重罪在亂政疑眾不亂政疑眾但從本律

作淫聲異服奇技奇器以疑眾殺鄭注淫聲鄭衛之屬也異服若聚鵲冠瓊弁也奇技奇器若公輸般請以機室按鄭注所指其常也疑眾則有所指如各教造作異物聚眾反畔

行偽而堅至順非而澤以疑眾殺大奸猾顛倒國是以亂民志  
擾治安

假於鬼神時日卜筮以疑眾殺鄭注今時持喪葬築蓋嫁取卜  
數文書使民倍禮違制按此如黃巾米賊作亂者如注所指罪不  
至是

有圭璧金璋不粥於市至禽獸魚鼈不中殺不粥於市 此如商  
律不應與有妨害傷敗風俗皆禁

凡養老 舉老者爲學教員謀議員議院卽寓學中所謂養老非  
如外國之養老院

有虞氏以燕禮夏后氏以饗禮 春饗孤子

殷人以食禮 西食耆老

周人脩而兼用之 順春秋之時



五十養於鄉至連於諸侯 議員以老爲主以五六七分三等專就齒一門言別有材德不拘年例

五十異振至膳飲從於遊可也 分五等

絞給衾冒死而後制 左傳像凶事非禮也說苑引穀梁傳說葬桓王云禮不豫凶事卽此

五十杖於家至則就其室以珍從 分五等同如議院

有虞氏養國老於上庠養庶老於下庠 國老上議院庶老下議院

夏后氏 用夏青說以爲繼

養國老于東序 上東

養庶老于西序 下西

殷人養國老于右學養庶老于左學 上右抑左

周人養國老于東膠養庶老于虞庠虞庠在國之西郊 典夏同  
燕衣而養老 燕當作繡

玄衣而養老 玄當作黃

凡三王養老皆引年 引年當作乞言文王世子凡祭與養老乞  
言命語之禮是養老以乞言爲要本文內則同內則下又云凡養  
老五帝憲三王有乞言 至 皆有惇史卽此文之說作乞言則知此  
文爲謾

君子耆老不徒行 上議員

庶人耆老不徒食 下議員

方三千里爲田八十萬億一萬億畝 八十萬億之萬億二字衍  
方千里九萬億畝八十一萬合九九之數

古者以周尺八尺爲步 至 當今百二十一里六十步四尺二寸二

分 王制以四海內爲三千里就春秋經制立說與孟子同後儒  
據實地言中國實不止三千里故創爲此說以補救之百里多二  
十一里爲多五分之二二千里爲方三千六百三四十里放大里  
數以求合古書亦如博改小車制人數以合百里千乘之故智  
入政飲食衣服事爲異別度量數制 此八政較洪範傳爲是當  
以此條異之

月令第六 此篇爲尙書大傳 以時出卽所謂 呂覽 以紀  
首卽所謂雜家非其自撰也○尙書自乃命羲和至庶績咸熙爲  
皇篇爲月令之經○本洪範五紀例皇省維歲四帝爲時卿士維  
月師尹維日庶民維星爲陰陽五行家周書管子素問靈樞淮南  
言曆法皆入此地球中以三十度六千里畫一區外得十二區區  
應一月卽靈樞之六氣共爲十二正而月朔則同故每月朔以十

二牧論己必全頒十二月令中入宮別有入正以四十五六日爲一宮以八節爲主凡此如西曆不拘朔望皆爲月初治天三家歷六家皆統于此此孔子手定新法既非堯時亦非呂作此一皇大法包括靡遺呂覽雜數卽以此爲標準在全球爲分方例

孟春之月 夏正經說

日在營室昏參中旦尾中 本爲帝典皇篇之傳或以中星與堯時星同定爲歲差者非

其帝大皞 天帝

其神勾芒 天神

律中大簇 建寅之月北斗杓指寅故爲大簇

其味酸 春散以酸收之

其臭羶 羶從羊亦西

其祀戶 春開門

東風解凍蟄蟲始振魚上冰獺祭魚鴻雁來 每月六候應七十二候七十二君詩以氣候分方起例

天子居青陽左个 經曰暘谷

乘鸞路駕蒼龍 蒼青緇一色鸞亦青色

食麥與羊 以西補東

是月也以立春 入正首

大史謁之天子曰 大史天官

盛德在木 天以道受命

立春之日天子親帥三公九卿諸侯大夫以迎春於東郊 經迎

賓鄭注以爲殷禮非

命相至下及兆民 人以言受命

是月也天子乃以元日祈穀于上帝 自行

善相上陵阪險原隰 阪險當周禮墳衍此舉南北中

是月也 每月政事呂氏依以立篇

命祀山林川澤 此舉西東合上爲五土

毋變天之道毋絕地之理毋亂人之紀 三才

孟春行夏令則雨水不時 日

草木蚤落 午

國時有恐 未

行秋令則其民大疫癘風暴雨總至藜莠蓬蒿並興 申酉戌

行冬令則水潦爲敗雪霜大摯首種不入 亥子丑○逆天而行

謂之昊天不弔喪亂宏多

仲春之月日在奎 日中

律中夾鍾 建卯數魁爲酉

養幼少 未來

存諸孤 春饗孤子

后妃率九嬪御 三夫人九嬪八十一御

先雷三日奮木鐸以令兆民曰 木鐸天子之政

夜分則同度量鈞衡石角斗甬正權衡 鈞當作均四句文同

是月也毋竭川澤 東

毋焚山林 西

天子乃鮮羔開冰 西

田鼠化爲鴽

戴勝降于桑 鄭注言降者若時始自天來重之也

孟夏之月日在畢昏翼中旦婺女中 此爲尚書傳不分時代

其蟲羽 言星球之人皆羽

其祀龜祭先肺 以上天

螭鳴至 苦菜秀 物候

天子居明堂左个 曰明都

乘朱路至 服赤玉 論語紅紫不爲褻服

某日立夏盛德在火 以道受命

立夏之日至 無不欣悅 呂覽每月所立之篇仿此爲之

命大尉贊傑俊遂賢良舉長大 緯舜爲大尉卽司馬鄭注三王之官有司馬無大尉秦官則有大尉今俗人皆云周公作月令未通于古按月令周公作鄭亦駁之足見俗人不足據

孟夏行秋令則苦雨數來五穀不滋 逸周書周月解有此

小暑至螳蜋生鵙始鳴反舌無聲 鳥獸希革



是月也命樂師脩鞀鞀鼓均琴瑟管簫 以下四字句○呂覽仲  
夏季夏有樂記六篇

色共皇天上帝至以爲民祈福 天學

是月也命婦官染采黼黻文章必以法故無或差貸 周禮四隅  
色

黑黃蒼赤莫不質良毋敢詐僞 四正色

孟秋之月日在翼至其日庚辛 日謂內州干以地勢言中實相  
冲寅屬中國南美爲申凡斗柄所建爲正

其帝少皞其神蓐收 少皞西皇天帝高辛西帝人帝湯西王西  
伯孔子因之就天分太小帝爲四宮神則五緯天神亦言父子左  
氏天學知鬼神宗族如山經學是也

天子乃難以建秋氣 難亦爲天學

日夜分則同度量平權衡正鈞石角斗甬 二月之鈞當作均注  
因此鈞于二月立解大誤

其帝顓頊 五帝天人之分從顓頊始故鄭子五天帝北方爲共  
工共工伯而不王謂兩極爲南海之帝北海之帝皆爲泰伯惟素  
青黃乃爲王○帝顓頊在下以代共工

曾子問第七 經由孔定故曾子問以備潤色若周已有故事則  
不勞脣舌矣○共四十五條中子游一條末附子夏二條

孔子曰卿大夫士 民事五官

從攝主北面於西階南 攝主卽冢宰

大祝裨冕執東帛升自西階 大祝天官

大宰大宗大祝皆裨冕 天官三

大宰命祝史以名徧告于五祀山川 以上如禮經一篇孔子曰

諸侯適天子必告于祖奠于禘至聽朝而入 此間有答無問○

五官卽曲禮文牲幣鄭注牲當爲制字之誤是也

除喪不改冠乎 此上當有曾子曰

如壻親迎女未至而有齊衰大功之喪則如之何 此上當有曾

子曰

三月而廟見 初至已在廟此別一禮定去留耳

孔子曰嫁女之家三夜不息燭至成婦之義也 此條有答無問

曾子問曰喪有二孤廟有二主禮與 此推驗後世而問非當時

有此事

昔者衛靈公適魯遭季桓子之喪 衛君至魯經不書左傳亦無

之○齊桓季康子皆屬依託禮經既未立何有主孤

吾聞諸老聃曰

託諸老聃爲大義派所謂耆老後人  
乃實指李耳

子游問曰喪慈母如母禮與至自魯昭公始也 中雜子游一條

末附子夏二條

曾子問曰諸侯旅見天子至不以方色與兵 後人據此條以爲古曆法未精不能測日食此大不然四事皆爲災傷惟日食則無損害以日食比之大廟火君后崩藉此以明天人之分非不能推測

曾子問曰諸侯相見至雨露服失容則廢 六事其五皆人惟日食爲天變自西人言之則天變毫無所取豈能與崩火相比必言此而後敬天之學顯非不知測量

曾子問曰當祭而日食大廟火至未殺則廢 日食異大廟火災以至重之災與無害之異比所以明敬天之旨

賤不誅貴幼不誅長至諸侯相誅非禮也 誅一條問答俱不見

名氏

請問其祭如之何 此上當有曾子曰

曾子問曰禘不祫祭何謂陰厭陽厭 問字衍

文王世子第八

文王謂武王曰女何夢矣 夢爲神游詩學文王東半球武王西半球不必爲父子由文王生武王如五帝運以金代木以素代蒼武王對曰夢帝與我九齡 此齡當作鈴

文王曰女以爲何也武王曰西方有九國焉君王其終撫諸 西方不在此世界西伯西皇西方聖人

文王曰非也古者謂年齡齒亦齡也 皇省惟歲一年一世界

我百爾九十吾與爾三焉 百以十起算九十以九起算三萬里滿計爲百方三千里者九百爲儒者九州百二萬七千里以九起

算爲八十一方三千里之九州

文王九十七乃終武王九十三而終 東方陸地多于西

春夏學干戈秋冬學羽籥 四時亦作四方解兵器分方有舊說

此以文武分四方

中候末五篇費誓呂刑爲春夏兵刑  
秦誓文侯之命爲西北學校選舉

春誦夏弦大師詔之誓宗 主 書在上庠 以詩書禮樂分四學春

誦夏弦誦詩弦樂當作春弦夏誦方與下文對所云誓宗上庠明  
教不在一地當以四郊四門解之

凡祭與養老乞言合語之禮 議院王制內則乞言誤作引年

大樂正學舞干戚誦說命 說命爲樂正所掌說與兌同記屢引

兌命皆爲學而言知卽此說命與傳說無干

說命當爲  
秦誓別名

凡語于郊者必取賢欵財焉 主 曲藝皆誓之 秦誓卽兌命專爲

養才舉賢之書誓之名亦如此非戰陣乃名誓

立太傅少傅以養之欲其知父子君臣之道也 孤卽世子之稱

古文家以三少爲三孤三大爲三公最不通

大傅審父子君臣之道以示之至而歸諸道者也 經制惟世子

有師保天子則否古文家說則天子三公三孤乃常置之師保不

職事則誤中之誤

記曰虞夏商周有師保有疑丞 四代所同並無沿革經不全見

以此推之

其刑罪則纖剕亦告于甸人 鄭注纖讀爲殲剕也剕割也宮割

廣墨剕刑皆以刀鋸刺割人體也按解作肉刑非或曰此進化之

次第質野亦用之

公族無宮刑 經無肉刑肉刑有苗之刑也當時實有宮刑故先

師假以立說經制則全無之亦如席地而坐皆爲時事例

獄成有司讞于公其死罪則曰某之罪在大辟其刑罪則曰某之罪在小辟 辟既分大小則大辟只得爲大罪死刑故以大辟言之非斬爲大辟定名

登餼受爵以上嗣尊祖之道也 嗣在今則爲行輩

其族食世降一等親親之殺也 族人聚以班輩尊者爲主如九級世降一等

說古者庶子之官治至而眾鄉方矣 庶子周禮詳之凡此無小大之分古今之異

哭於異姓之廟爲忝祖遠之也 不以同姓待之

適東序釋奠于先老遂設三老五更羣老之席位焉 鄭注三老五更各一人也名以三五者取象三辰五星羣老無數其禮亡按三老五更亦如三卿五大夫既有羣老則以三輔一仍當三九二



十七八十一也

反養老幼乎東序終之以仁也 老爲教者幼爲學者春養孤子  
秋食耆老分官之以見陰陽之義此云養老幼則合言之養當爲  
饗

世子之記曰 王然魯亦復初 此立世子法前文王武王爲高  
注說不必再以文武當之

禮運第九

孔子曰嗚呼哀哉我獨周遭曲厲傷之 周頌

吾舍魯何適矣 魯頌以周公爲天子  
魯之郊禘 王後如宋故亦稱公

非禮也 如以爲非禮據春秋不王魯

周公其衰矣 非天子非王後

禮器第十

未有入室而不由戶者 論語出宮作入

內則第十二 記中所言多爲當時名物時移地異但得其意可也故三統之說皆爲記傳經則不同

后主命冢宰 后卽帝皇皇后帝

降德于眾兆民 詩眾爲魚矣不當加虫旒爲旗矣不當加方

凡養老有虞氏以燕禮至周人脩而兼用之 亦非三統循環畀

有先野後文意

八十拜君命一坐再至瞽亦如之 老而失明以八十論

六十歲制七十時制八十月制九十日脩惟絞衿衾冒死而後制

六七八九歲時月日死而後制爲禮不豫凶事左傳文指此

九十者天子欲有問焉則就其室 議院制

凡三王養老皆引年 引年當作乞言下爲詳說乞言卽議院

有虞氏養國老於上庠 君子上議院

養庶老於下庠 下議院

夏后氏養國老於東序 上東如緇衣

養庶老于西序 下如羔裘

殷人養國老于右學 上西素衣如白帝

養庶老于左學 麤裘

周人養國老于東膠養庶老于虞庠虞庠在國之西郊 東當爲

中爲南西當爲北

夏后氏收而祭燕衣而養老 燕當作青

周人冕而祭玄衣而養老 玄當作黃

凡接于擇日○三月之末擇日剪髮爲鬢 兩言擇日

六年教之數與方名至博學不教內而不出 十年以前男女同  
十年男出就外傳女不出則有姆○二十以前學六藝

玉藻第十三 此篇多容經傳說及禮家衣服飲食事

玄端而朝日於東門之外聽朔於南門之外 朝日春月聽朔夏  
月東門之外八里青陽南門之外七里明堂

閏月則闔門左扉立于其中 閏爲十二正月之終門謂北門也  
立周禮誤作居鄭注閏月非常月也聽其朔於明堂門中遷處寢  
門終月按周禮閏月王居門中居古作屈此記爲周禮傳說周禮  
之居爲立字之誤終月二字句卽左傳歸餘于終非謂于門中居  
一月鄭注誤讀

勳則左史書之言則右史書之 鄭注其書春秋尙書其存者按  
經不可以史言左史書言如論旨右史書事如實錄聖政

年不順成則天子素服乘素車食無樂諸侯立端以祭 衣冠色各以統爲主互言之統色之中又各自分輕重則由潤澤經中所畧

子卯稷食菜羹 齊詩說子貪狼卯陰賊故忌子卯而貴午酉又

辰未下方主哀戊丑土方主樂

午廉貞而公平與東北對針

君子遠庖廚 孟子引之

至于八月不雨君不舉 說詳穀梁傳說雩

登席不由前爲躡席徒坐不盡席尺讀書食則齊豆去席尺 漢以上如今日本席地無几案然爲傳記經則無之

始冠緇布冠 緇衣則緇冠于緇中分三等

自諸侯下達冠而敝之可也 士冠禮上達

玄冠朱組纓 夏尙 羔裘玄冠不以弔

天子之冠也 色同以別物分尊卑

緇布冠纁綬 東方緇青

縞冠玄武子姓之冠也 詩素冠素衣素韠

縞冠素紕 詩素韠

振絺綌不入公門表裘不入公門 不入公門論語非公事○論

語衿絺綌必表而出之乃與輻例以熱寒二道立說然則黃道爲公

韠君朱大夫素士爵韠 詩素韠則衣冠同之○統色以外又以此分別

麤裘青豻裘絞衣以裼之羔裘豹飾緇衣以裼之狐裘黃衣以裼之 論語三衣爲絺綌三裘爲裘爲輻輿例非實指衣服此用其說而小別○絞當作縞

古之君子必佩玉右微角左宮羽 宮當爲商微角木火商羽金水宮當在中

故君子在車則聞鸞和之聲行則鳴佩玉是以非辟之心無自入也 巾車之教

天子佩白玉而玄組紱 至士佩瑤玖而組組紱 就玉中分貴賤次第記立是說待後人實行之潤色審定總以難得者爲貴記巾名號所不拘也

童子之節也緇布衣 東孤子青青子衿清人亦當作青青緇同凡食果實者後君子 先取美者

凡行容惕惕 至盛氣顛實惕休玉色 容經正傳○行容容經行也足容行經目容視經口容言經色容色經祭容即容經之祭喪容容經喪紀戎容容經軍旅

伯曰天子之力臣 伯二伯力臣當爲老字之誤

諸侯之於天子曰某土之守臣某 方伯

其在邊邑曰某屏之臣某 板詩藩垣屏

小國之君曰孤 曲禮庶邦小侯曰孤

擯者亦曰孤 擯者無稱孤之理孤當爲寡君

世子自名擯者曰寡君之適 周禮諸侯適子亦稱孤

士曰傳遽之臣 孟子

大夫私事使私人擯則稱名 私事如春秋傳曰臧孫之私行私

人與公士對文鄭注私事使謂以君命私行非聘也若魯成公時

晉侯使韓穿來言汶陽之田歸之于齊之類按私事稱名乃辭令

應對注引經典策文之文爲說非也

公士擯則曰寡大夫 大夫○公士與私人對文



寡君之老 卿如二伯

大夫有所往必與公士爲摯也 私事使私人公事使公士賓當

作摯

明堂位第十四 此篇乃尙書洛誥位成位字之傳

昔者周公朝諸侯于明堂之位 非姬旦周爲大號公卽伯周公  
春秋說則爲姬旦尙書說則爲皇伯二帝與泰伯同周爲皇號公  
則其伯也

三公中階之前北面東上 至此周公明堂之位也 三公卽二伯  
在階者遠異之諸侯州牧諸伯卒正春秋見經之國也凡諸伯以  
上三面爲一等諸子連帥在門以內者遠于階諸男屬長自此以  
上五長在男采衛也九夷据成數當爲八在周禮爲春朝八蠻當  
爲七六戎當爲九五狄當爲六在周禮爲夏宗秋覲冬遇自此以

上四夷在蠻夷鎮也九采在九畿以外尙書載采采爲藩垣屏也  
四塞世告至周禮藩以外世一見在翰寧城也此分四等五長四  
夷九采四塞今用十五畿除甸以內三畿一等○不用九采以下  
以二等爲小統亦可加入二等則以三字一等三四十二畿合中  
州三畿爲十五畿九州則從鎮止故蠻夷均在九州內

明堂也者明諸侯之尊卑也 孟子書之明堂非古所有當爲齊  
威王用方士說立者

昔殷紂亂天下脯鬼侯以饗諸侯 小大二統均有之抑春秋止  
言一代

武王崩成王幼弱周公踐天子之位以治天下 荀子大儒周公  
屏成而及周公德不及周周公如宋太宗後反政成王特以幼  
弱爲辭如宋宣所云吾立也與吾攝也辭

七年致政于成王成王以周公爲有勳勞于天下 兄終弟及實已立爲天子成一代

是以封周公于曲阜 大小當同有之

地方七百里革車千乘 七當爲四字之誤據下千乘當方三百十六里舉成數爲四史記魯衛皆封方四百里是也

命魯公世世祀周公以天子之禮樂 王後與宋同○周公魯公名詞特別本不爲父子定稱故上云魯公下云魯君

是以魯君孟春 行夏時

乘大路 乘殷輅

載弧韜旗十有二旒日月之章 服周冕

祀帝於郊 春秋有郊無禘

季夏六月以禘禮祀周公于太廟 春秋之禘爲時祭季夏六月

黃帝所臨中央爲禘四方四帝爲郊祭法禘郊禘大于郊之說此爲尙書與詩之周公春秋不爾

牲用白牡 詩說

皮弁素積褻而舞大夏 以祭統有此文

昧東夷之樂也任南蠻之樂也 四夷之樂詳緯書

納夷蠻之樂於大廟言廣魯於天下也 魯頌說○此大同說

是故春禘夏禘秋嘗冬烝 祭統孝經說四時祭夏當爲禘此脫

春禘因與上禘字名實不同故師不傳二字

春社秋省 如春秋祭祀舉重

振木鐸於朝 周禮

天子之政也 論語天將以夫子爲木鐸

鸞車有虞氏之路也 至周之大赤 董子云有三而易者有四而

易者四代從三統加有虞爲論語之樂則韶舞○孔子定制每多創起爲古所無故中國教化始於孔子至于尙書四代則在孔子後可以備此四代矣

夏后氏駱馬黑鼈

至

周駢剛

夏黑殷白周赤爲三王小統夏青

緇殷素周黃爲三皇大三統

土鼓蕢桴葦籥伊耆氏之樂也 記于四代外有伊耆氏女媧則爲上古

魯公之廟文世室也武公之廟武世室也 周公魯公爲經傳特別名辭周公者周頌之公魯公者魯頌之公此二公定說至于以伯禽爲魯公與武公對舉則晚近之說直以魯公爲伯禽定稱有虞氏之兩敦

至

周之八簋

此由少而多不可循環

俎有虞氏以梡

至

周以房俎

此四代可循環爲四而易三統之

說經則但云俎故三統之說不在經中